

妙法蓮華經。信解品。第

四

爾時慧命須菩提。摩訶迦
旃延。摩訶迦葉。摩訶目
犍連。從仏所聞。未曾有
法。世尊。授舍利弗。阿
耨多羅三藐三菩提記。發
希有心。歡喜踊躍。即從
座起。整衣服。偏袒右肩。
右膝著地。一心合掌。曲
躬恭敬。瞻仰尊顏。而白

仙言。我等居僧之首。年
竝朽邁。自謂已得涅槃。
無所堪任。不復進求。阿
耨多羅三藐三菩提。世尊
往昔。說法既久。我時在
座。身體疲懈。但念空。
無相無作。於菩薩法。遊
戲神通。淨仙國土。成就
衆生。心不喜樂。所以者
何。世尊令我等。出於三
界。得涅槃証。又今我等。

年已朽邁。於仏教化菩薩。阿耨多羅三藐三菩提。不生一念。好樂之心。我等今於仏前。聞授声聞。阿耨多羅三藐三菩提記。心甚歡喜。得未曾有。不謂於今。忽然得聞。希有之法。深自慶幸。獲大善利。無量珍寶。不求自得。世尊。我等今者。樂説譬諭。以明斯義。譬若有人。年

既幼稚。捨父逃逝。久住
佗国。或十。二十。至五
十歲。年既長大。加復窮
困。馳騁四方。以求衣食。
漸漸遊行。遇向本国。其
父先来。求子不得。中止
一城。其家大富。財宝無
量。金銀。瑠璃。珊瑚。
琥珀。頗黎珠等。其諸倉
庫。悉皆盈溢。多有僮僕。
臣佐吏民。象馬車乘。牛

羊無數。出入息利。乃徧
佗国。商估賈客。亦甚衆
多。時貧窮子。遊諸聚落。
經歷国邑。遂到其父。所
止之城。父每念子。与子
離別。五十余年。而未曾
向人。說如此事。但自思
惟。心懷悔恨。自念老朽。
多有財物。金銀珍寶。倉
庫盈溢。無有子息。一旦
終沒。財物散失。無所委

付。是以慇懃。每憶其子。
復作是念。我若得子。委
付財物。坦然快樂。無復
憂慮。世尊。爾時窮子。
傭賃展轉。遇到父舍。住
立門側。遙見其父。踞師
子牀。宝几承足。諸婆羅
門。刹利居士。皆恭敬圍
繞。以真珠瓔珞。価直千
万。莊嚴其身。吏民僮僕。
手執白扠。侍立左右。覆

以宝帳。垂諸華旛。香水
灑地。散衆名華。羅列宝
物。出内取与。有如是等。
種種嚴飾。威德特尊。窮
子見父。有大力勢。即懷
恐怖。悔来至此。窃作是
念。此或是王。或是王等。
非我傭力。得物之处。不
如往至貧里。肆力有地。
衣食易得。若久住此。或
見逼迫。強使我作。作是

念已。疾走而去。時富長者。於師子座。見子便識。心大歡喜。即作是念。我財物庫藏。今有所付。我常思念此子。無由見之。而忽自來。甚適我願。我雖年朽。猶故貪惜。即遣傍人。急追將還。爾時使者。疾走往捉。窮子驚愕。稱怨大喚。我不相犯。何為見捉。使者執之愈急。

強牽將還。于時窮子。自
念無罪。而被囚執。此必
定死。轉更惶怖。悶絕躄
地。父遙見之。而語使言。
不須此人。勿強將來。以
冷水灑面。令得醒悟。莫
復與語。所以者何。父知
其子。志意下劣。自知豪
貴。為子所難。審知是子。
而以方便。不語佗人。云
是我子。使者語之。我今

放汝。随意所趣。窮子歡喜。得未曾有。從地而起。往至貧里。以求衣食。爾時長者。將欲誘引其子。而設方便。密遣二人。形色憔悴。無威德者。汝可詣彼。徐語窮子。此有作處。倍与汝直。窮子若許。將來使作。若言欲何所作。便可語之。雇汝除糞。我等二人。亦共汝作。時二

使人。即求窮子。既已得之。具陳上事。爾時窮子。先取其餽。尋與除糞。其父見子。愍而怪之。又以佗日。於窓牖中。遙見子身。羸瘦憔悴。糞土塵坌。汗穢不淨。即脫瓔珞。細軟上服。嚴飾之具。更著麤弊。垢膩之衣。塵土坌身。右手執持。除糞之器。狀有所畏。語諸作人。汝

等勤作。勿得懈怠。以方便故。得近其子。後復告言。咄男子。汝常此作。勿復余去。當加汝餽。諸有所須。盃器米麩。塩酢之屬。莫自疑難。亦有老弊使人。須者相給。好自安意。我如汝父。勿復憂慮。所以者何。我年老大。而汝小壯。汝常作時。無有欺怠。瞋恨怨言。都不

見汝。有此諸惡。如余作人。自今已後。如所生子。即時長者。更与作字。名之為兒。爾時窮子。雖欣此遇。猶故自謂。客作賤人。由是之故於二十年中。常令除糞。過是已後。心相体信。入出無難。然其所止。猶在本处。世尊。爾時長者。有疾自知。將死不久。語窮子言。我今

多有。金銀珍寶。倉庫盈溢。其中多少。所忘取与。汝悉知之。我心如是。当体此意。所以者何。今我与汝。便為不異。宜加用心。無令漏失。爾時窮子。即受教勅。領知眾物。金銀珍寶。及諸庫藏。而無憊取。一餐之意。然其所止。故在本处。下劣之心。亦未能捨。復經少時。父

知子意。漸已通泰。成就
大志。自鄙先心。臨欲終
時。而命其子。竝會親族。
國王。大臣。刹利居士。
皆悉已集。即自宣言。諸
君當知。此是我子。我之
所生。於某城中。捨吾逃
走。伶俜辛苦。五十余年。
其本字某。我名某甲。昔
在本城。懷憂推覓。忽於
此間。遇會得之。此實我

子。我實其父。今吾所有。
一切財物。皆是子有。先
所出內。是子所知。世尊。
是時窮子。聞父此言。即
大歡喜。得未曾有。而作
是念。我本無心。有所憊
求。今此寶藏。自然而至。
世尊。大富長者。則是如
來。我等皆似仙子。如來
常說。我等為子。世尊我
等。以三苦故。於生死中。

受諸熱惱。迷惑無知。樂著小法。今日世尊。令我等思惟。罽除諸法。戲論之糞。我等於中。勤加精進。得至涅槃。一日之餽。既得此已。心大歡喜。自以為足。便自謂言。於佛法中。勤精進故。所得弘多。然世尊。先知我等。心著弊欲。樂於小法。便見縱捨。不為分別。汝等

當有。如來知見。寶藏之
分。世尊以方便力。說如
來智慧。我等從仙。得涅槃。
一日之餽。以為大得。
於此大乘。無有志求。我
等又因。如來智慧。為諸
菩薩。開示演說。而自於
此。無有志願。所以者何。
仙知我等。心樂小法。以
方便力。隨我等說。而我
等不知。真是仙子。今我

等方知。世尊於仏智慧。無所悵惜。所以者何。我等昔來。真是仏子。而但樂小法。若我等有。樂大之心。仏則為我。説大乘法。今此經中。唯説一乘。而昔於菩薩前。毀訾聲聞。樂小法者。然仏實以。大乘教化。是故我等。説本無心。有所悵求。今法王大寶。自然而至。如仏子。

所応得者。皆已得之。爾
時摩訶迦葉。欲重宣此義。
而說偈言

我等今日 聞仏音教
歡喜踊躍 得未曾有
仏説声聞 當得作仏
無上宝聚 不求自得
譬如童子 幼稚無識
捨父逃逝 遠到佗土
周流諸国 五十余年
其父憂念 四方推求

求之既疲 頓止一城
造立舍宅 五欲自娛
其家巨富 多諸金銀
碑磬碼碯 真珠瑠璃
象馬牛羊 輦輿車乘
田業僮僕 人民衆多
出入息利 乃徧佗国
商估賈人 無処不有
千万億衆 圍繞恭敬
常為王者 之所愛念
群臣豪族 皆共宗重

以諸緣故 往來者衆
豪富如是 有大力勢
而年朽邁 益憂念子
夙夜惟念 死時將至
痴子捨我 五十余年
庫藏諸物 當如之何
爾時窮子 求索衣食
從邑至邑 從國至國
或有所得 或無所得
飢餓羸瘦 體生瘡癬
漸次經歷 到父住城

傭賃展轉 遂至父舍
爾時長者 於其門內
施大宝帳 処師子座
眷属圍繞 諸人侍衛
或有計算 金銀宝物
出内財產 注記券疏
窮子見父 豪貴尊嚴
謂是国王 若是王等
驚怖自怪 何故至此
覆自念言 我若久住
或見逼迫 強驅使作

思惟是已 馳走而去
借問貧里 欲往傭作
長者是時 在師子座
遙見其子 默而識之
即勅使者 追捉將來
窮子驚喚 迷悶蹙地
是人執我 必當見殺
何用衣食 使我至此
長者知子 愚痴狹劣
不信我言 不信是父
即以方便 更遣余人

眇目矬陋

無威德者

汝可語之

云当相雇

除諸糞穢

倍与汝倆

窮子聞之

歡喜随来

為除糞穢

淨諸房舍

長者於牖

常見其子

念子愚劣

樂為鄙事

於是長者

著弊垢衣

執除糞器

往到子所

方便附近

語令勤作

既益汝倆

竝塗足油

飲食充足 薦席厚暖
如是苦言 汝當勤作
又以軟語 若如我子
長者有智 漸令入出
經二十年 執作家事
示其金銀 真珠頗黎
諸物出入 皆使令知
猶處門外 止宿草庵
自念貧事 我無此物
父知子心 漸已曠大
欲與財物 即聚親族

国王大臣 刹利居士
於此大衆 說是我子
捨我佗行 經五十歲
自見子來 已二十年
昔於某城 而失是子
周行求索 遂來至此
凡我所有 舍宅人民
悉以付之 恣其所用
子念昔貧 志意下劣
今於父所 大獲珍寶
竝及舍宅 一切財物

甚大歡喜 得未曾有
仙亦如是 知我樂小
未曾說言 汝等作仙
而說我等 得諸無漏
成就小乘 聲聞弟子
仙勅我等 說最上道
修習此者 當得成仙
我承仙教 為大菩薩
以諸因緣 種種譬諭
若干言辭 說無上道
諸仙子等 從我聞法

日夜思惟 精勤修習
是時諸仏 即授其記
汝於來世 當得作仏
一切諸仏 秘藏之法
但為菩薩 演其實事
而不為我 說斯真要
如彼窮子 得近其父
雖知諸物 心不憊取
我等雖說 仏法宝藏
自無志願 亦復如是
我等內滅 自謂為足

唯了此事 更無余事
我等若聞 淨仏国土
教化衆生 都無欣樂
所以者何 一切諸法
皆悉空寂 無生無滅
無大無小 無漏無為
如是思惟 不生喜樂
我等長夜 於仏智慧
無貪無著 無復志願
而自於法 謂是究竟
我等長夜 修習空法

得脫三界 苦惱之患
住最後身 有余涅槃
仙所教化 得道不虛
則為已得 報仙之恩
我等雖為 諸仙子等
說菩薩法 以求仙道
而於是法 永無願樂
導師見捨 觀我心故
初不勸進 說有實利
如富長者 知子志劣
以方便力 柔伏其心

然後乃付 一切財寶
仙亦如是 現希有事
知樂小者 以方便力
調伏其心 乃教大智
我等今日 得未曾有
非先所望 而今自得
如彼窮子 得無量寶
世尊我今 得道得果
於無漏法 得清淨眼
我等長夜 持仙淨戒
始於今日 得其果報

法王法中 久修梵行
今得無漏 無上大果
我等今者 真是聲聞
以仙道聲 令一切聞
我等今者 真阿羅漢
於諸世間 天人魔梵
普於其中 心受供養
世尊大恩 以希有事
憐愍教化 利益我等
無量億劫 誰能報者
手足供給 頭頂禮敬

一切供養 皆不能報
若以頂戴 兩肩荷負
於恒沙劫 尽心恭敬
又以美膳 無量宝衣
及諸臥具 種種湯藥
牛頭栴檀 及諸珍宝
以起塔廟 宝衣布地
如斯等事 以用供養
於恒沙劫 亦不能報
諸仏希有 無量無辺
不可思議 大神通力

無漏無為 諸法之王
能為下劣 忍于斯事
取相凡夫 隨宜為說
諸仙於法 得最自在
知諸衆生 種種欲樂
及其志力 隨所堪任
以無量論 而為說法
隨諸衆生 宿世善根
又知成熟 未成熟者
種種籌量 分別知己
於一乘道 隨宜說三

妙法蓮華經卷第二